




Broj: 18-08-3-50-450/10
Datum: 8. juni 2010. godine

**PARLAMENTARNA SKUPŠTINA BOSNE I HERCEGOVINE
ZASTUPNIČKI DOM
SARAJEVO**



gospodin NIKO LOZANČIĆ, Predsjedavajući

Predmet: Zastupničko pitanje, odgovor

dostavlja se.

Veza: Vaš akt broj 01/a-50-1-15-77/10 od 17. maja 2010. godine

U vezi akta broj i datum veze obavještavamo Vas da Granična policija BiH nema saznanja koja ukazuju da je naoružanje pronađeno u akciji italijanskih policijskih i pravosudnih organa porijeklom iz Bosne i Hercegovine.

Obavještavamo Vas da je Granična policija BiH u toku 2009. godine u vezi sa pronađenim i privremeno oduzetim različitim vrstama oružja, municije, eksplozivnih i pirotehničkih sredstava, nadležnim tužilaštvima podnijela 15 izvještaja o počinjenom krivičnom djelu u kojima je za 15 krivičnih djela prijavljeno 16 osoba. Za navedena djela prijavljeno je 14 državljana BiH i po jedan državljanin Srbije i Hrvatske.

U istom vremenskom periodu po Zakonu o nabavci, nošenju i držanju oružja i municije evidentirana su 32 prekršaja za koja je izdato 16 prekršajnih naloga i podneseno 14 zahtjeva za pokretanje prekršajnog postupka.

KOLIČINA ODUZETOG ORUŽJA	2009	2008	+ %
Automatsko oružje	1	0	/
Puške i poluautomatske puške	10	7	42.86
Pištalj	15	9	66.67
Bombe	1	2	-50.00
Hladno oružje	20	26	-23.08
Sprej	6	4	50.00
Ostalo	41	2	+1.950
Ukupno	94	50	88,00

U izvještajnom periodu privremeno je oduzeto 15.067 komada municije različitog kalibra od čega: 327 komada pištoljske municije, 619 komada puščane municije, 193 komada lovačkih patrona, 41 komad gasnih patrona, 13 komada signalne municije, 3.334 komada municije za gasni pištolj (metalne kuglice i punjenje), 10.540 komada ostale municije, kao i 2 kg baruta i 15.171 komad pirotehničkih sredstava.

Granična policija BiH je počela sa provjerama informacija u kojima se navodi da je pronađeno oružje u Italiji porijeklom iz BiH. Očekujemo zvaničnu informaciju italijanskih policijskih i pravosudnih organa o navedenom događaju. Pored toga mi ćemo nastaviti sa prikupljanjem i analiziranjem informacija koje se odnose na prekogranično krijumčarenje oružja, municije i vojne opreme i u skladu s tim preduzimati zakonom predviđene mjere.

S poštovanjem,

DIREKTOR
Vinko Dumančić

